



Broj: 12-01-04-7-1824 -12/19
Sarajevo, 25.7.2019.god

PARLAMENTARNA SKUPŠTINA BOSNE I HERCEGOVINE
Zajedničko povjerenstvo za obranu i sigurnost
n/r predsjedatelja, gđin Sifet Podžić

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 26-07-2019

Organizaciona jedinica	Klasifikaciona oznaka	Redni broj	Broj priloga
OS/1-50-18		1326/19	

PREDMET: Izvješće o radu Koordinacijskog odbora za malo i lako naoružanje u BiH za 2018. godinu- dostavlja se -

Obavještavamo Vas da je Vijeće ministara Bosne i Hercegovine na 173. sjednici održanoj 10.6.2019. godine razmotrilo i usvojilo Izvješće o radu Koordinacijskog odbora za malo i lako naoružanje u Bosni i Hercegovini za 2018. godinu.

U svezi sa tim, u pritvku dopisa dostavljamo vam pomenuto Izvješće na razmatranje i primanje k znanju na jednoj od narednih sjednica Povjerenstva.

S poštovanjem,

MINISTAR
Dragan Mektić



Privitak:
kao u tekstu 24. str

Dostavljeno:
1.1x naslovu
2.1x 12-01

**KOORDINACIONI ODBOR ZA KONTROLU MALOG I LAKOG NAORUŽANJA U
BOSNI I HERCEGOVINI**

IZVJEŠTAJ

**o radu Koordinacionog odbora za kontrolu malog i lakog
naoružanja u Bosni i Hercegovini za 2018. godinu**

**Sarajevo
Mart, 2019. godine**

Koordinacioni odbor za kontrolu malog i lakog naoružanja u Bosni i Hercegovini, na osnovu člana 7. Odluke o imenovanju Koordinacijskog odbora za kontrolu malog i lakog naoružanja u Bosni i Hercegovini („Službeni glasnik BiH“ br. 95/13, 62/15 i 93/16), Vijeću ministara Bosne i Hercegovine, p o d n o s i

IZVJEŠTAJ

o radu Koordinacionog odbora za kontrolu malog i lakog naoružanja u BiH za 2018. godinu

I - UVODNE NAPOMENE

Vijeće ministara Bosne i Hercegovine je u skladu sa Zakonom o Vijeću ministara Bosne i Hercegovine („Službeni glasnik BiH“ br. 30/03, 42/03, 81/06, 76/07, 94/07 i 24/08), na 69. sjednici održanoj dana 12.11.2013. godine, donijelo Odluku o imenovanju Koordinacionog odbora za kontrolu malog i lakog naoružanja u Bosni i Hercegovini (u daljem tekstu: KO SALW).

II - SASTAV KO SALW

KO SALW je interesorno tijelo, formirano od deset institucija, policijskih agencija i organa u Bosni i Hercegovini. U KO SALW je imenovan sekretar koji obavlja stručne, tehničke, administrativne i opće poslove.

III – NADLEŽNOSTI KO SALW

Djelokrug poslova i zadataka KO SALW je planiranje, koordinacija, usmjeravanje i nadzor aktivnosti za implementaciju Strategije za kontrolu malog oružja i lakog naoružanja u Bosni i Hercegovini (2016-2020).

IV - IZVRŠENJE ZADATAKA IZ NADLEŽNOSTI KO SALW

Strategija za kontrolu malog oružja i lakog naoružanja u BiH za period 2016-2020. godina, je usvojena na 71. sjednici Vijeća ministara BiH, koja je održana 31. avgusta 2016.godine. Donošenju navedene strategije prethodilo je održavanje nekoliko radionica, gdje su predstavnici KO SALW sa predstavnicima međunarodnih organizacija (UNDP, SEESAC, OSCE), zajednički usaglasili tekst strategije i akcionog plana.

Strategija predstavlja sveobuhvatan dokument kojem je cilj unaprijeđenje efikasnosti svih subjekata u oblasti kontrole malog oružja i lakog naoružanja. Strategija predstavlja nastavak i proširenje aktivnosti kojima je cilj daljnje jačanje efikasnosti svih subjekata u oblasti kontrole malog oružja i lakog naoružanja u Bosni i Hercegovini. Posebno je usmjerena na nastavak usklađivanja zakonodavstva s međunarodnim standardima, daljnje unapređenje kontrole unutrašnjeg i vanjsko-trgovinskog prometa oružja, smanjenje incidenata počinjenih oružjem i broja nelegalnog oružja u posjedu građana, unapređenje građanskog povjerenja u institucije u Bosni i Hercegovini na svim nivoima vlasti, kao i smanjenje viškova malog oružja i lakog naoružanja u posjedu Ministarstva odbrane Bosne i Hercegovine. Posebna pažnja je usmjerena na jačanje cjelokupnih administrativnih kapaciteta svih nadležnih tijela u Bosni i Hercegovini. Implementacijom zacrtanih strateških ciljeva i daljnjim razvojem međunarodne i regionalne saradnje u ovoj oblasti, Bosna i Hercegovina će doprinijeti ne samo unapređenju opšte bezbjednosti u zemlji nego i u regionu i globalno.

Strategija obuhvata četiri oblasti koje su formulisane u četiri strateška cilja, i to:

1. Unaprijeđenje pravnog okvira i implementacije SALW zakonodavstva;
2. Smanjenje prisustva nelegalnog SALW-a;
3. Upravljanje SALW-om u posjedu Oružanih snaga BiH i
4. Međunarodna i regionalna saradnja i saradnja sa organizacijama civilnog društva.

U izvještajnom periodu, KO SALW je održao ukupno četiri (4) zajednička sastanaka, a imajući u vidu strateške oblasti navedene u akcionom planu ove strategije, realizovane su sljedeće aktivnosti i to:

Cilj 1. UNAPRIJEĐENJE PRAVNOG OKVIRA I IMPLEMENTACIJE SALW ZAKONODAVSTVA

Programski cilj 1.1. Izrada analize stanja o usklađenosti domaćeg zakonodavstva u oblasti SALW

U okviru navedenog strateškog cilja Strategija je prepoznala potrebu praćenja aktivnosti koje trebaju rezultirati harmoniziranjem zakona o držanju i nošenju oružja u BiH sa relevantnim propisima Evropske unije kao i jačanja međuagencijske saradnje na polju implementacije zakonodavstva vezanog za kontrolu unutrašnjeg i vanjskotrgovinskog prometa oružja radi adekvatne razmjene informacija i stajališta u vezi sa pitanjima iz nadležnosti različitih institucija uključenih u promet naoružanja.

U trenutku sačinjavanja izvještaja još uvijek Ministarstvo unutrašnjih poslova Unsko – sanskog kantona nije izvršilo usklađivanje Zakona o oružju sa direktivama EU. Izrađen je Nacrt zakona o oružju koji je usklađen sa direktivom Vijeća EU 91/477 i 51/2008 te je isti upućen u skupštinsku proceduru.

U narednom periodu, a nakon što Skupština Unsko-sanskog Kantona usvoji Zakon o oružju, biće neophodno sve zakone o oružju u BiH uskladiti sa najnovijom izmjenom Direktive Vijeća broj 2017/853 i to u saradnji sa Direkcijom za evropske integracije Bosne i Hercegovine i drugim nadležnim organima u BiH.

U postupku donošenja podzakonskih akata propisanih Zakonom o obilježavanju malog oružja, lakog naoružanja i pripadajuće municije imenovana je interesorna radna grupa. Radna grupa je tokom 2018. godine održala nekoliko sastanaka na kojima su sačinjeni i usvojeni u skladu sa članom 23. Zakona o obilježavanju malog oružja, lakog naoružanja i pripadajuće municije ("Službeni glasnik BiH", broj: 83/16), sljedeći provedbeni propisi: Pravilnik o postupcima i metodama obilježavanja oružja i municije („Sl. glasnik BiH“, broj 49/18), a čija primjena je započela sa 01.01.2019. godine i Uputstvo o uslovima za dobijanje ovlaštenja za obilježavanje oružja i municije („Sl. glasnik BiH“, broj: 49/18).

Programski cilj 1.2. Jačanje kapaciteta u borbi protiv nelegalne trgovine SALW-om

U saradnji sa predstavnicima Ministarstva vanjskih poslova Savezne Republike Njemačke, predstavnika Evropske unije, Regionalnog centra za saradnju (RCC) i Regionalnog centra za kontrolu malog i lakog oružja u Jugoistočnoj Evropi, u Podgorici, dana 1.2.2018. godine, održana Konferencija zamjenika ministara unutrašnjih poslova i sigurnosti iz Albanije, Kosova¹, Bosne i Hercegovine, Moldavije, Crne Gore, Republike Srbije i Makedonije. Na završetku konferencije je potpisana Zajednička deklaracija, kojom su se, pored ostalog, navedene države obavezale da pod pokroviteljstvom SEESAC-a i predstavnika nadležnih službi Savezne Republike Njemačke, razrade Mapu puta za spriječavanje ilegalne trgovine oružjem.

U Tirani 28. i 29.5.2018. godine na regionalnom nivou je usaglašen Nacrt Mape puta za održivo rješenje za suzbijanje nedozvoljenog posjedovanja, zloupotrebe i trgovine malim oružjem i lakim naoružanjem na Zapadnom Balkanu do 2024. godine.

Isti dokument je usvojen u Londonu 10.07.2018. godine, na Samitu zemalja Zapadnog Balkana. Mapa puta definiše jasne ciljeve i mjere za jačanje kontrole SALW-a kroz prevenciju, istraživanje i procesuiranje ilegalne trgovine SALW-om.

U skladu sa usvojenim dokumentom u organizaciji Regionalnog centra za kontrolu malog i lakog oružja (SEESAC) organiziran je regionalni sastanak u Podgorici na kojem je pripremljen Okvirni Akcioni plan prema kojem će se provesti ciljevi usvojeni Mapom puta za održivo rješenje za suzbijanje nedozvoljenog posjedovanja, zloupotrebe i trgovine malim oružjem i lakim naoružanjem na Zapadnom Balkanu.

U okviru Strategije za kontrolu SALW-a u BiH organizirano je više sastanaka Kordinacionog odbora za SALW, kantonalnih MUP-ova, drugih nadležnih organa u BiH i međunarodnih organizacija na kojima je bio cilj sačinjavanje Akcionog plana Bosne i Hercegovine za realizaciju pomenute Mape puta.

¹ Ovaj naziv ne prejudicira stavove o statusu i u skladu je sa Rezolucijom Saveta bezbednosti Ujedinjenih nacija 1244 i mišljenjem Međunarodnog suda pravde o kosovskoj deklaraciji nezavisnosti".

Akcioni plan za provedbu Mape puta za održivo rješenje za suzbijanje nedozvoljenog posjedovanja, zloupotrebe i trgovine malim i lakim oružjem i pripadajućom municijom u Bosni i Hercegovini (2019-2020) je u proceduri usaglašavanja između nadležnih organa u BiH.

Tokom 2018. godine, uz podršku UNDP-ea, nastavljeno je sa realizacijom Projekta za borbu protiv ilegalne trgovine oružjem u Bosni i Hercegovini – CIAT. Projekat je uspostavljen da pomogne Graničnoj policiji BiH (GP BiH), kao i Ministarstvu sigurnosti BiH (MS BiH) u njihovom daljem jačanju kapaciteta za identifikaciju, sprečavanje i borbu protiv trgovine vatrenim oružjem, municijom i eksplozivom iz i kroz Bosnu i Hercegovinu (BiH). Potreba za ovom pomoći potiče od postavljenih strateških ciljeva BiH u smislu Strategije i Akcionog plana za kontrolu malog oružja i lakog naoružanja u Bosni i Hercegovini (SALW strategija). Ovaj Projekat je zasnovan na najnovijim događanjima u vezi sa procesom pristupanja BiH Evropskoj uniji (EU). Shodno tome, projekat je u skladu sa SALW strategijom EU iz 2005. godine, kao i Akcionim planom EU protiv nedozvoljene trgovine i upotrebe vatrenog oružja i eksploziva (COM (2015) 624 od 02. decembra 2015. godine). Projekat je povezoao sve oblasti saradnje relevantne u procesu pristupanja EU, kao što je kontrola naoružanja (SALW), sprečavanje nasilnog ekstremizma (PVE), policija u zajednici, izvršenja policijskih zadataka zasnovanih na obavještajnim podacima i integrisano upravljanje granicama (IBM), čime su projektne aktivnosti prilagođene da daju što konkretniji doprinos borbi protiv sigurnosnih pitanja u pograničnim područjima BiH. Pored toga, Projekat će istražiti pitanje upravljanja i funkcionalnih veza između MS BiH i BiH agencija koje djeluju na pograničnom području BiH u svrhu izrade sveukupne projektne ideje, čime će se doprinijeti obavezama BiH kada je u pitanju Poglavlje 24 - pravda, sloboda i sigurnost.

Ključni **rezultati** projekta su: GP BiH je osposobljena da na djelotvoran način identificira, spriječi i bori se protiv nezakonite trgovine vatrenim oružjem, municijom i eksplozivima iz BiH i kroz BiH. Glavne **aktivnosti** i očekivani rezultati su sljedeći:

- Izrađeno je šest Standardnih operativnih procedura (SOP) koje je potpisao direktor GP BIH, čime su one postale obavezujući interni akti GP BIH. Ovim postignućem je Projekat uspio institucionalizirati sve svoje ustanovljene procedure. Uspješno je održano devet punih radnih dana obuke (15 raznih lokacija širom BiH) za više od 1,100 članova osoblja GP BIH (preko 70% ukupnog broja zaposlenih).
- Osmišljene su i proširirene obuke na preostalim oko 400 uposlenika GP BIH o šest već razrađenih SOP-a. Obuka je trajala 12 radnih dana na do 12 lokacija. Nakon ove aktivnosti, svih 1500+ graničara GP BIH će imati završenu CIAT obuku o sprečavanju nezakonite trgovine oružjem do kraja 2018.
- Projekat je organizirao još 6 radionica o policiji u zajednici u Foči, Trebinju, Ljubuškom, Velikoj Kladaši, Zvorniku i Orašju, nastavljajući ovu aktivnost na proaktivan način. Imenovani koordinatori GP BIH za ovih 6 općina su uglavnom žene, čime se jača pristup rodne usklađenosti projekta i podržava uloga žena u policiji kroz ovu aktivnost
- Specijalna mobilna oprema (endoskopi) kupljena u početnoj fazi dala je trenutačne i konkretne rezultate. U dva slučaja, službenici GP BIH su pronašli drogu i oružje u Brodu i Trebinju, što jasno ukazuje na uspješnu podršku koju je GP dobila kroz CIAT. S obzirom na to, odlučeno je da se u međuvremenu nabavi još 10 dodatnih endoskopa za GP BIH.

- Završena su 2 alata za IT sistem: napravljena SEESAC platforma za identifikaciju naoružanja i municije, i instalirana u IT sistem GP BiH; unaprijeđena baza podataka MVTEO AAERG (Napredni generator godišnjih izvještaja o izvozu naoružanja) za izvozno/uvozne dozvole. Prijedlog Projekta za bazu podataka za MS o prevozu oružja finaliziran je u avgustu 2018.

- Izvršeno šest analiza kriminaliteta u zajednicama podložnim nezakonitoj trgovini oružjem, uz odgovarajuće akcione planove.

- Formirane su dvije radne grupe na državnom nivou koje uključuju pet ministarstava i tri agencije za provedbu zakona, te je provedeno više aktivnosti na državnom i regionalnom nivou.

Pripadnik Državne agencije za istrage i zaštitu, koji je i član KO SALW učestvuje u radu Zajedničkog komiteta eksperata za vatreno oružje Evropske Unije (EFE) i grupi eksperata za vatreno oružje zemalja jugosistočne Evrope (SEEFEG) sa ciljem diskusije o aktivnostima na provođenje operativnog akcionog plana između Evropske Unije i zemalja Jugoistočne Evrope u borbi protiv nezakonite trgovine vatrenim oružjem.

Uprava za indirektno-neizravno oporezivanje je aktivno sudjelovala u regionalnim i međunarodnim naporima za kontrolu malog i lakog oružja, za poboljšanje provođenja suštinskih instrumenata i mehanizama o malom i lakom naoružanju. Tokom 2018 godine, službenici UIO su učestvovali na više obuka i seminara putem programa EXBS, UNODC, EU, P2P u vezi sa sprječavanjem krijumčarenja oružja. Pored navedenog službenici Uprave za indirektno oporezivanje aktivno su učestvovali u međunarodnim operacijama sprječavanja krijumčarenja oružja u organizaciji INTERPOL-a tokom kojeg je vršen pojačan nadzor na graničnim prijelazima

U okviru međunarodne operativne policijske saradnje sprovedene je operativna akcija koja se odnosila na borbu protiv ilegalne trgovine oružjem i eksplozivnim sredstvima i to:

- Koordinirane su aktivnosti operativne akcije „**2018 JAD WESTERN BALKANS**“ organizovane od strane EUROPOL-a i EMPACT-, u čijoj realizaciji su učestvovala ministarstva unutrašnjih poslova i policijske agencije u BiH, čiji cilj je (pored ostalih) bio i sprečavanje i rasvjetljavanje krivičnih djela ilegalne trgovine vatrenim oružjem i eksplozivnim sredstvima. U prostorijama DKPT, (situacionom centru) bio je glavni koordinacioni centar za BiH u čijem radu su učešće uzele agencije za sprovođenje zakona BiH (FMUP), a uzeto je učešće i u radu Glavnog komandnog/koordinacionog centra u sjedištu EUROPOL-a u Hagu, od strane uposlenika Direkcije i tužiteljice Tužilaštva BiH.

Programski cilj 1.3. Unaprijeđenje informacionih sistema za kontrolu SALW-a

Nadležne institucije su radile na unapređenju informatičkih sistema predviđenih provedbenim propisima iz ove oblasti. U Ministarstvu sigurnosti BiH kontinuirano se koristi Centralna elektronska evidencija o kontroli kretanja oružja i vojne opreme u BiH.

Prema podacima iz ovog sistema u 2018 godini, je zaprimljeno i izdato 667 Rješenja kojim se odobrava kretanje oružja i vojne opreme. Od tog broja rješenja za izvoz je bilo 377, a za uvoz 290 prema podacima iz ovog sistema. Najviše podnesenih zahtjeva za izdavanje

odobrenja odnosi se na četiri privredna subjekta i to: UNIS GINEX dd Goražde 145, IGMAN dd Konjic 89, POBJEDA TECHNOLOGY dd Goražde 89, KM TRADE d.o.o Visoko 43.

Također, u 2018. godini, je zaprimljeno i izdato 324 predhodnih suglasnosti na Rješenja kojima se odobrava kretanje oružja i vojne opreme unutar Bosne i Hercegovine između entiteta, kantona i entiteta i Brčko distrikta BiH, a za čiju su provedbu mjerodavni entiteti, kantoni odnosno Brčko distrikt BiH. Evidentno je povećanje broja izdatih saglasnosti od 7,64% za 2018.godinu, u odnosu na 2017.godinu.

Odlukom o određivanju međunarodnih graničnih prijelaza za promet naoružanja i vojne opreme, opasnih, eksplozivnih i radioaktivnih tvari i sredstava dvojne namjene („Službeni glasnik BiH“ broj 89/06, 48/08, 35/13 i 61/15) određeni su granični prijelazi za promet oružja i vojne opreme. Analizom Zahtjeva za odobrenje kretanja oružja i vojne opreme došlo se do podataka na kojim se graničnim prijelazima najčešće vrši izvoz/uvoz, i to: GP Aerodrom Sarajevo 268, GP Vardište 167, GP Orašje 116, GP Rača 43, GP Klobuk 24, GP Gradina 4, GP Čapljina 14, GP Kamensko 9, GP Izačić 7 i GP Gradiška 6.

Instrukcijom o posebnim mjerama sigurnosti prilikom kretanja oružja i vojne opreme („Službeni glasnik BiH“ broj 95/16) su propisane mjere koje se izriču u slučajevima prijevoza robe koja može uticati na javnu sigurnost. Mjere se izriču da ne bi došlo do zlouporabe robe koja sadrži veće količine opasne materije ili oružja većeg kalibra (minibacači, haubice, mine raznih kalibara).

U 2018. godini posebne mjere sigurnosti naložene su 263 puta i to 248 mjera pratnje pripadnika policije i 15 mjera obavezne tehničke pratnje. U 2017.godini naložene su 283 posebne mjere i to 16 puta naložena je mjera neprekidnog trajanja prijevoza, 271 put mjera pratnje pripadnika policije i 12 mjera obavezne tehničke pratnje.

U 2018. godini izvršeno je 9 vanrednih nadzora i okončan je jedan prekršajni postupak.

Kada je u pitanju „implementacija Sporazuma o elektronskoj razmjeni podataka iz evidencija o nabavljanju, držanju i nošenju oružja, u sklopu Sistema elektronske razmjene podataka iz evidencija policijskih tijela i tužilaštava realizovane su *Evidencije o registrovanom oružju* (podatke razmjenjuju FUP i PBD, te GP BiH) te *Potrage za oružjem* (podatke razmjenjuju FUP i PBD). Napominjemo da Direkcija nije korisnik Sistema te da nema uvida u ove podatke. Ministarstvo unutrašnjih poslova Republike Srpske (u daljem tekstu: MUP RS) ne učestvuje u razmjeni podataka jer nisu usaglašeni parametri pretrage odnosno nije bilo saglasnosti da parametar pretrage bude Jedinstveni matični broj građana.

Programski cilj 1.4. Unaprijeđenje kontrole unutrašnjeg i vanjskotrgovinskog prometa SALW-om;

Praćenje međunarodnih standarda i usklađivanje domaće legislative u oblasti vanjskotrgovinskog prometa i proizvodnje oružja i vojne opreme obavlja se kontinuirano. Zakon o kontroli vanjskotrgovinskog prometa oružja i vojne opreme i roba posebne namjene kao i podzakonski propisi koji proizilaze iz ovog Zakona, usklađeni su sa trenutnim relevantnim međunarodnim dokumentima UN i EU kojima se rukovodi kontrola izvoza vojne tehnologije i opreme kao i ograničavanje određenih vrsta konvencionalnog oružja.

Ministarstvo vanjske trgovine i ekonomskih odnosa BiH je organizovalo posjete privrednim društvima Igman Konjic, GINEX Goražde i Pobjeda Tehnology Goražde na kojima se razgovaralo o problemima sa kojima se ova privredna društva susreću pri vanjskotrgovinskom prometu svojih proizvoda kao i načinima za njihovo prevazilaženje.

U toku 2018. godine Ministarstvo vanjske trgovine i ekonomskih odnosa BiH izvršilo je ukupno 87 inspekcijskih pregleda kod pravnih lica registrovanih za proizvodnju naoružanja i vojne opreme

Cilj 2. SMANJENJE PRISUSTVA NELEGALNOG SALW-a

Programski cilj 2.1. Praćenje statističkih podataka iz oblasti SALW;

KO SALW je tokom 2018.godine, radio i na prikupljanju statističkih podataka o legalno registrovanom oružju u BiH. Ova aktivnost je značajna iz razloga što u BiH postoji 12 zakona o oružju zbog čega se podaci o tome vode na različite načine i u skladu sa različitim metodološkim pristupima.

Ukupan broj registrovanog oružja za 2016., 2017. i 2018. godinu,

	2016. godina		2017. godina		2018. godina	
FEDERACIJA BiH	168.548	FEDERACIJA BiH	190.588	FEDERACIJA BiH	169.584	
REPUBLIKA SRPSKA	168.550	REPUBLIKA SRPSKA	132.113	REPUBLIKA SRPSKA	104.678	
BRČKO DISTRIKT BIH	4.226	BRČKO DISTRIKT BIH	4.124	BRČKO DISTRIKT BIH	4.010	
UKUPNO U BIH	341.324	UKUPNO U BIH	326.825	UKUPNO U BIH	278.272	

Na sljedećoj tabeli prikazani su uporedni podaci za 2016., 2017. i 2018. godinu o broju legalno registrovanog oružja (entiteti, kantoni, Brčko Distrikt BiH):

	2016		2017		2018	
MINISTARSTVO UNUTRAŠNJIH POSLOVA UNSKO-SANSKOG KANTONA	22.552	MINISTARSTVO UNUTRAŠNJIH POSLOVA UNSKO-SANSKOG KANTONA	30.805	MINISTARSTVO UNUTRAŠNJIH POSLOVA UNSKO-SANSKOG KANTONA	18.890	
MINISTARSTVO UNUTRAŠNJIH POSLOVA POSAVSKOG KANTONA	3.534	MINISTARSTVO UNUTRAŠNJIH POSLOVA POSAVSKOG KANTONA	3.579	MINISTARSTVO UNUTRAŠNJIH POSLOVA POSAVSKOG KANTONA	4.818	
MINISTARSTVO UNUTRAŠNJIH POSLOVA TUZLANSKOG KANTONA	37.415	MINISTARSTVO UNUTRAŠNJIH POSLOVA TUZLANSKOG KANTONA	38.462	MINISTARSTVO UNUTRAŠNJIH POSLOVA TUZLANSKOG KANTONA	37.689	
MINISTARSTVO UNUTRAŠNJIH POSLOVA ZENIČKO-DOBOJSKOG KANTONA	20.246	MINISTARSTVO UNUTRAŠNJIH POSLOVA ZENIČKO-DOBOJSKOG KANTONA	21.470	MINISTARSTVO UNUTRAŠNJIH POSLOVA ZENIČKO-DOBOJSKOG KANTONA	15.616	
MINISTARSTVO UNUTRAŠNJIH POSLOVA BOSANSKO-PODRINJSKOG KANTONA	6.491	MINISTARSTVO UNUTRAŠNJIH POSLOVA BOSANSKO-PODRINJSKOG KANTONA	6.662	MINISTARSTVO UNUTRAŠNJIH POSLOVA BOSANSKO-PODRINJSKOG KANTONA	6.390	

MINISTARSTVO UNUTRAŠNJIH POSLOVA SREDNJOBOSANSKOG KANTONA	12.614	MINISTARSTVO UNUTRAŠNJIH POSLOVA SREDNJOBOSANSKOG KANTONA	17.807	MINISTARSTVO UNUTRAŠNJIH POSLOVA SREDNJOBOSANSKOG KANTONA	19.185
MINISTARSTVO UNUTRAŠNJIH POSLOVA HERCEGOVAČKOG- NERETVANSKOG KANTONA	20.220	MINISTARSTVO UNUTRAŠNJIH POSLOVA HERCEGOVAČKOG- NERETVANSKOG KANTONA	19.871	MINISTARSTVO UNUTRAŠNJIH POSLOVA HERCEGOVAČKOG- NERETVANSKOG KANTONA	17.624
MINISTARSTVO UNUTRAŠNJIH POSLOVA ZAPADNOHERCEGOVAČKOG KANTONA	20.780	MINISTARSTVO UNUTRAŠNJIH POSLOVA ZAPADNOHERCEGOVAČKOG KANTONA	21.040	MINISTARSTVO UNUTRAŠNJIH POSLOVA ZAPADNOHERCEGOVAČKOG KANTONA	16.597
MINISTARSTVO UNUTRAŠNJIH POSLOVA KANTONA SARAJEVO	20.285	MINISTARSTVO UNUTRAŠNJIH POSLOVA KANTONA SARAJEVO	26.474	MINISTARSTVO UNUTRAŠNJIH POSLOVA KANTONA SARAJEVO	28.149
MINISTARSTVO UNUTRAŠNJIH POSLOVA KANTON 10	4.411	MINISTARSTVO UNUTRAŠNJIH POSLOVA KANTON 10	4.418	MINISTARSTVO UNUTRAŠNJIH POSLOVA KANTON 10	4.626 169.584
MINISTARSTVO UNUTRAŠNJIH POSLOVA REPUBLIKE SRPSKE	168.550	MINISTARSTVO UNUTRAŠNJIH POSLOVA REPUBLIKE SRPSKE	132.113	MINISTARSTVO UNUTRAŠNJIH POSLOVA REPUBLIKE SRPSKE	104.678
POLICIJA BRČKO DISTRIKTA BIH	4.226	POLICIJA BRČKO DISTRIKTA BIH	4.124	POLICIJA BRČKO DISTRIKTA BIH	4.010
UKUPNO	341.324	UKUPNO	326.825	UKUPNO	278.272

*navedeni podaci za 2016. godinu prikupljeni su iz odgovora na Upitnik EK koje su dostavljali nadležni organi

Ministarstvo vanjske trgovine i ekonomskih odnosa Bosne i Hercegovine je u toku 2018. godine, izdalo 125 dozvola za uvoz malog oružja i lakog naoružanja i 215 dozvola za izvoz malog oružja i lakog naoružanja.

Ministarstvo sigurnosti BiH u saradnji sa Regionalnim centrom za kontrolu malog i lakog oružja (SEESAC) i nadležnim institucijama u BiH, je okončalo rad na izradi regionalnog upitnika, te je Izvještaj o regionalnom istraživanju o SALW-u za period 2012 - 2016. godina na usaglašavanju kod nadležnih organa u BiH. Nakon dostavljanja saglasnosti svih institucija koje su učestvovale u prikupljanju podataka, SEESAC će navedeni Izvještaj javno objaviti.

Cilj ovog regionalnog istraživanja je da se doprinese sveobuhvatnom i aktuelnom razumijevanju izazova kontrole malog i lakog oružja u jugoistočnoj Evropi, što će dodatno podržati relevantne institucije u primjeni politika kontrole naoružanja zasnovanih na činjenicama. Dobiveni rezultati će biti jasne preporuke za kreatore politika i stručnjake iz prakse za rješavanje ključnih izazova i podršku institucijama u procesu usklađivanja sa obavezama izvještavanja proisteklih iz različitih međunarodnih ugovora i sporazuma.

Programski cilj 2.2. podizanje svijesti o rizicima SALW-a

Ministarstvo sigurnosti Bosne i Hercegovine je kroz obraćanja ministra i zamjenika ministra i predstavnika u KO SALW, na svim događajima i obraćanjima, a u cilju podizanja svijesti građana, ukazivalo na problem nelegalnog oružja i minsko eksplozivnih sredstava u Bosni i Hercegovine.

Kroz nadležnu organizaciju Ministarstva sigurnosti Bosne i Hercegovine, a u saradnji sa međunarodnim organizacijama u Bosni i Hercegovini, provedene su aktivnosti u značajnom broju osnovnih škola i općina, gdje se, u prvom redu učenicima, nastavnicima i građanima, govorilo o opasnostima od minsko-eksplozivnih sredstava i oružja.

Nadležni MUP RS, Kantonalni MUP-ovi, Policija BD BiH provodili su aktivnosti usmjerene ka smanjenju nelegalnog oružja i minsko eksplozivnih sredstava u posjedu građana, u cilju podizanja svijesti građana o negativnim stranama posjedovanja oružja, te mogućnosti dobrovoljnog predavanja oružja nadležnim policijskim agencijama.

Na području Brčko distrikta BiH, kroz projekat "rad policije u zajednici" policijski službenici su na terenu u razgovorima sa građanima ukazivali o SALW-u, mogućnostima predaje oružja i zakonski predviđenim sankcijama za nelegalno posjedovanje oružja. Pripadnici Policije BD BiH su prikupili po osnovu dobrovoljne predaje na uništenje od građana 59 kom raznog oružja.

Ostvarena je i saradnja sa timom za deminiranje, gde je u školama i u mjesnim zajednicama ukazivano učenicima i građanima o SALW-u.

Tokom 2018. godine, kroz rad policije u zajednici od strane policijskih službenika izvršena su predavanja i podjela propagandnog materijala (brošura i plakata) u 9 osnovnih škola na temu opasnosti od minsko - eksplozivnih sredstava, kojom prilikom je predavanje odslušalo 2370 učenika.

Također su tokom 2018. godine, u kontinuitetu su preduzimane radnje na podizanju svesti građana o opasnostima od oružja (posebno oružja zaostalog iz rata i minsko-eksplozivnih sredstava), gde su u više navrata i za više medija saopštavane (date izjave za medije) informacije kojima je ukazivano građanima na SALW. U sklopu tih aktivnosti podizana je svijest građana za potrebu predaje nelegalnog oružja (kroz izjave za štampu, web portale, izjave date u kameru za televiziju, učešće u radijskim emisijama i slično), tumačene su i obrazlagane zakonske odredbe u ovoj oblasti (Zakon o oružju i municiji Brčko distrikta BiH, sl.glasnik Brčko distrikta BiH 39/11 i 02/12 i drugi zakoni), te ukazivano na mogućnost i načine predaje i saopštavanja Policiji informacija o oružju na brojeve 122 i slično.

Posebno je kroz saopštavanje medijima-građanima informacija o akcijama Policije i pojedinačnim radnjama Policije na oduzimanju bilo kog oružja, ukazivano građanima da svako oružje (posebno zaostalo iz rata) mogu dobrovoljno predati Policiji u skladu sa članom 72. Zakona o oružju i municiji, a u slučajevima da prilikom preduzimanja radnji Policija pronade isto, onda će snositi zakonom predviđene sankcije. U akcijama koje je predvodila Policija BD BIH ("Granica", "Škorpion" i dr.) u kojima je pronađeno različito oružje, građanima je ukazivano na štetnost posjedovanja istog.

Kroz projekat "rad policije u zajednici" policijski službenici su na terenu u razgovorima sa građanima ukazivali o SALW-u, mogućnostima predaje oružja i zakonski predviđenim sankcijama za nelegalno posjedovanje oružja. Ostvarena je i saradnja sa timom za deminiranje, gde je u školama i u mjesnim zajednicama ukazivano učenicima i građanima o SALW-u.

Tokom 2018. godine policijski službenici MUP RS su u okviru redovnih poslova i zadataka u kontaktima sa građanima skretali pažnju na opasnosti i rizike od nezakonite upotrebe oružja, a posebno u vrijeme praznika i organizovanih javnih skupova. Takođe, periodično se održavaju preventivne kampanje na opasnosti koje nosi upotreba pirotehničkih sredstava.

Predstavnici MUP RS kontinuirano učestvuju na sastancima „Forum za bezbjednost građana“, na kojima se kao jedna od tema obrađuje i nezakonita upotreba oružja i zloupotreba pirotehničkih sredstava, a sve sa ciljem podizanja svijesti građana o rizicima SALW.

Na području Kantona 10 kroz akciju "Žetva" i "Mir i dobro" kontinuirano se provode aktivnosti na podizanju svijesti građana o opasnostima od uporabe oružja i MES kao i kontinuirano prikupljanje zaostalog naoružanja i MES. U tijeku 2018. godine na području MUP-a Kantona 10 u akciji "Žetva" u 31 slučaju od 31 građana muškog spola je prikupljeno slijedeće naoružanje, streljivo, minsko-eksplozivna sredstva i druga oprema vojnog podrijetla, i to : 1 kom RRB "zolja", 8 kom automatskih pušaka, poluautomatska puška 1 kom, jedna puška M-48, jedna protu-pješačka mina, 49 kom ručnih bomba, 2 avio-bombe, 6 granata, 2 upaljača, 1,400 kg (jedan kilogram i 400 grama) eksploziva, 80 centimetara štapina, 3222 komada raznog streljiva, 22 spremnika za streljivo za automatsku pušku.

Programski cilj 2.3. Prikupljanje i uništavanje nelegalnog SALW-a;

Kada su u pitanju aktivnosti vezane za prikupljanje i uništavanje nelegalnog SALW-a prema dostupnim podacima koje je KO SALW prikupio, podaci su slijedeći:

UKUPNE KOLIČINE ODUZETOG ORUŽJA U NELEGALNOM POSJEDU GRAĐANA

za period
01.01. - 31.12.2018. godine

	muškarci	žene	UKUPNO
Državna agencija za istrage i zaštitu	Zolja 1 kom, Puške 21 kom, Pištolj 6 kom, MES (Ručna bomba) 54 kom, Municija 3.256 kom, Eksploziv 47 kg	Pištolj 1 kom	Oružje 29 kom MES 54 kom Municija 3.256 kom Eksploziv 47 kg
Ministarstvo unutrašnjih poslova Republike Srpske	Puške (duga cijev) 314 kom Pištolji (kratka cijev) 102 kom MES 187 kom Municija 31.831 kom Dijelovi za oružje 43 kom (255 muškaraca)	(14 žena)	Oružje 416 kom MES 187 kom Municija 31.831 kom Dijelovi za oružje (različiti okvirovi za oružje) 43 kom
Federalno ministarstvo unutrašnjih poslova	Teško oružje 1 kom, Puške 4 kom, Pištolj 10 kom, Municija 2.021 kom, Eksploziv 2,5 kg		Oružje 15 kom Municija 2.021 kom Eksploziv 2,5 kg
MUP Unsko-sanski kanton	Zolja 1 kom, Puške 48 kom, Pištolji 51 kom MES (Ručna bomba) 1 kom, Municija 198 kom		Oružje 100 kom MES 1 kom, Municija 198 kom

MUP Posavski kanton	Oružje 20 kom MES (Ručna bomba) 1 kom, Municija 678 kom	Oružje 1 kom	Oružje 21 kom MES 1 kom, Municija 678 kom
MUP Tuzlanski kanton	Oružje 78 kom	Oružje 5 kom	Oružje 83 kom
MUP Zeničko-dobojski kanton	Oružje 237 kom	Oružje 29 kom	Oružje 266 kom
MUP Bosansko-podrinjski kanton	Oružje 8 kom Municija 601 kom		Oružje 8 kom Municija 601 kom
MUP Srednjobosanski kanton	Oružje 49 kom		Oružje 49 kom
MUP Hercegovačko-neretvanski kanton	Oružje 36 kom		Oružje 36 kom
MUP Zapadnohercegovački kanton	Oružje 23 kom		Oružje 23 kom
MUP kanton Sarajevo	Oružje 92 kom	Oružje 3 kom	Oružje 95 kom
MUP kanton 10	Zolja 3 kom, Puške 22 kom, MES (Ručna bomba, tromblonske mine, protupješačke mine) 30 kom, Eksploziv 1,00 kg Municija 318 kom Dijelovi za oružje 5 kom	Pištolj 1 kom	Oružje 26 kom MES 30 kom, Municija 318 kom Eksploziv 1,00 kg Dijelovi za oružje 5 kom

Policija Brčko distrikt BiH	Oružje 54 kom, Minsko eksplozivna sredstva 29 kom, Municija 285 kom, Dijelovi za oružje 77 kom		Oružje 54 kom, MES 29 kom, Municija 285 kom, Dijelovi za oružje 77 kom
UKUPNO		Oružje 40 kom	Oružje 1221 kom MES 302 kom Municija 39.188 kom Eksploziv 50,500 kg Dijelovi za oružje 125 kom

U okviru rada Granične policije BiH na graničnim prijelazima su oduzete:

- Puške i automatske puške u dva slučaja, dva komada;
- Pištolji, automatski pištolji i revolveri u 4 slučaja 4 komada;
- Municija različitog kalibra u 9 slučajeva 921 komad.

Tokom 2018. godine, KO SALW je 1.12.2018. godine u saradnji sa svim policijskim agencijama u BiH izvršio uništavanja 2.500 komada oružja i dijelova oružja uz podršku Evropske komisije, UNDP-a i Regionalnog centra za kontrolu malog i lakog oružja (SEESAC). Pomenuto oružje je u toku 2018. godine prikupljeno iz sudova i policijskih agencija u Bosni i Hercegovini.

Navedenim aktivnostima podsjetili smo građane Bosne i Hercegovine na opasnosti koje prijete od oružja koje je proglašeno viškom, od slabo osiguranog ili nezakonitog oružja i koliko to oružje utiče na njihovu sigurnost.

Realizacijom svih navedenih akcija dat je veliki doprinos poboljšanju cjelokupne stabilnosti kako u BiH tako i u regionu pa i šire.

Obzirom da je u 2016-toj godini uništeno 2.500 komada oružja i dijelova oružja, u 2017-toj godini je uništeno 10.801 komada i dijelova oružja i u 2018-toj godini 2.500 komada ukupno je u periodu važenja ove Strategije i Akcijskog plana do kraja 2018-te godine uništeno 15.801 komad oružja i dijelova oružja. Ovaj broj predstavlja izuzetan rezultat u odnosu na protekle godine.

Posebno je značajno naglasiti da je prikupljanje i uništavanje navedene količine malog i lakog oružja rezultat uspješnog rada svih policijskih agencija i organa u Bosni i Hercegovini u borbi protiv ilegalne trgovine oružjem. Koliko je ovo značajan rezultat govori i činjenica da smo u periodu od 2013-2016. godina, kada je provedena koordinirana kampanja podizanja svijesti građana na prikupljanju i zbrinjavanju nezakonitog naoružanja diljem zemlje, ukupno prikupili i uništili preko 11.000 komada i dijelova malog i lakog oružja.

2.4 Unapređenje kapaciteta za čuvanje, skladištenje i uništavanje SALW-a u policijskim agencijama

U okviru realizacije aktivnosti predviđenih Strategijom za kontrolu malog oružja i lakog naoružanja (2016-2020) sa pripadajućim Akcionim planom, Regionalni centar za kontrolu lakog oružja u jugoistočnoj Evropi (SEESAC) je u sklopu projekta Evropske komisije vezanom za *Unapređenja sigurnosti skladišnih kapaciteta policijskih agencija BiH za čuvanje SALW-a i municije*, kao i soba za odlaganje dokaza (SALW i municije), osigurao određena novčana sredstva za poboljšanje navedene infrastrukture.

S tim u vezi, KO SALW je u 2018. koordinirao obnovu skladišta i soba za dokaze na lokacijama:

- Skladište Rakovica-Sarajevo (Federalno Ministarstvo unutrašnjih poslova) i (MUP Kantona Sarajevo);
- Soba za dokaze u Ministarstvu unutrašnjih poslova Posavskog Kantona (Orašje);

- Soba za dokaze u Ministarstvu unutrašnjih poslova Hercegovačko neretvanskog Kantona (Mostar).
- Skladište u Ministarstvo unutrašnjih poslova Republike Srpske, PU Bijeljina;
- Soba za dokaze u Ministarstvo unutrašnjih poslova Republike Srpske, PU Bijeljina.

Cilj 3. UPRAVLJANJE SALW-OM U POSJEDU ORUŽANIH SNAGA BIH

Programski cilj 3.1. Rješavanje viškova SALW-a u posjedu OS BiH

U toku 2018. godine Oružane snage Bosne i Hercegovine su nastavile aktivnosti na rješavanju viškova malog oružja i lakog naoružanja koje su u posjedu Oružanih snaga Bosne i Hercegovine, a pregled istih dostavljamo u prilogu akta.

Što se tiče upravljanja malim i lakim naoružanjem u 2018. godini OS BiH zu započele veoma značajnu aktivnost „Obilježavanje malog oružja i lakog naoružanja“.

U toku 2018. godine su održane 4 (četiri) radionice na kojima su prisustvovali predstavnici MO BiH, OS BiH, Ministarstva vanjske trgovine i ekonomskih odnosa, projekat „The Halo Trust“ i EUFOR-a.

Na navedenim radionicama su definisane sve aktivnosti, potrebni dokumenti, potrebna obuka personala za obilježavanje, potrebni resursi, kao i dinamika obilježavanja malog oružja i lakog naoružanja u OS BiH.

Od strane MO BiH je donešena Odluka o obilježavanju malog oružja i lakog naoružanja, te urađeno Uputstvo za obilježavanja malog oružja i lakog naoružanja.

Zajednički štab OS BiH je organizovao obuku lica koja će vršiti obilježavanje malog oružja i lakog naoružanja, te izradio Plan obilježavanja malog oružja i lakog naoružanja 2018.-2020.godina.

Obilježavanje malog oružja i lakog naoružanja će se vršiti na sljedeći način:

- tačkasto obilježavanja (dot-pen tehnologija),
- lasersko obilježavanje,
- ručno graviranje.

Nosioc aktivnosti obilježavanja malog oružja i lakog naoružanja je projekat „The Halo Trust“, koji je izvršio nabavku dvije dot-pen mašine za obilježavanje tačkastom metodom, dok je u fazi nabavka laserske mašine.

Aktivnost obilježavanja malog oružja i lakog naoružanja je poslije izvršenih kompletnih priprema (formiranje radog prostora, izrada potrebnih dokumenata, obuka lica, itd.) otpočela u mjesecu novembru 2018. godne na lokacijama Rajlovac i Zenica. Do sada je obilježeno oko 4.000 komada naoružanja.

Realizacijom aktivnosti obilježavanja malog oružja i lakog naoružanja, kompletno naoružanje će biti evidentirano, obilježeno, adekvatno uskladišteno, čime će se sigurnost na lokacijama skladištenja podići na znatno veći nivo, te adekvatno upravljati SALW-om.

U segmentu rješavanja viškova municije bitno je napomenuti da je u 2018. godini u potpunosti završena aktivnost 100% inspekcije MiMES, kojom je utvrđeno kvalitativno i kvantitativno stanje ukupnih količina MiMES kojom raspolažu OS BiH.

Za neispravnu municiju, odnosno municiju za koju se utvrdi nestabilnost baruta, donose se Rješenja o rashodovanju i demilitarizaciji. Prijedlog za rashodovanje se dostavlja linijom komandovanja u MO BiH, pa dalje u Predsjedništvo BiH koje donosi Odluku o rashodovanju MiMES koja nije sigurna za dalje skladištenje.

Zajednički štab OS BiH izrađuje godišnje planove operacija sa MiMES gdje se planira i demilitarizacija rashodovane municije.

U 2018. godini je ukupno uništeno (spaljivanje, delaboracija, detonacija) 2140,56 tona municije različite vrste i kalibara, što je prikazano u tabeli;

UKUPNO TROM Doboј + UNDP (EXLODE+ , EUSTAR) + Glamoč						
Izvođač/ Lokacija	Delaboracija/otvorena detonacija		Spaljivanje		UKUPNO	
	kom	t	kom	t	kom	t
TROM Doboј	26.935	339,8	8.42	0,1	35.36	340,0
EXPLODE - UNDP	162.965	870,5	4.472.08	120,4	4.635.05	991,0
Sterling/Glamoč	395.390	366,4	4.848.97	137,1	5.244.36	503,6
UKUPNO	585.290	1576,9	9.329.48	257,8	9.914.77	1834,7

OSTALO						
UNDP-Pretis - civilni kapaciteti		305,8				305,8

UKUPNO ZA 2018.god.						2140,5
----------------------------	--	--	--	--	--	---------------

Bitno je napomenuti da veliku podršku u demilitarizaciji municije, kao i infrastrukturnom uređenju skladišta MO i OS BiH pružaju i međunarodne organizacije (UNDP, OSCE) kroz projekte EUSTAR, EXPLODE+ i SAFE UP.

U toku 2018. godini u TROM Doboј je instalirana i u punu funkciju stavljena laboratorija za ispitivanje stabilnosti pogonskih goriva u municiji. U laboratoriji se koriste dvije metode ispitivanja stabilizatora goriva u municiji i to vakumska metoda i metoda tankoslojne hromatografije visokih performansi.


Stavljanjem u funkciju navedene laboratorije, OS BiH mogu detektovati sva nestabilna goriva u municiji, čime se pokreće aktivnost demilitarizacije predmetnih sredstava po hitnom postupku, sve u cilju stvaranja sigurnog okruženja i povećanja sigurnosti na lokacijama skladištenja MiMES.

U 2019. godini nastavljaju se aktivnosti na obilježavanju malog oružja i lakog naoružanja i demilitarizaciji municije nesigurne za skladištenje.

U razdoblju od 2006. godine do 2018. godine, sukladno Planu operacija sa SiMES-om OS BiH, izvršena je demilitarizacija/uništavanje 20.306 tona, neispravnog i opasnog za dalje skladištenje, streljiva i minsko-eksplozivnih sredstava, te demilitarizacija 30.081 komada

malog oružja i lakog naoružanja, a sve iz kategorije viškova SiMES-a za Ministarstvo obrane Bosne i Hercegovine i Oružane snage Bosne i Hercegovine.

Na grafikonu dalje dat je pregled po godinama demilitarizacije/uništavanja SiMES-a:



Programski cilj 3.2. Kontrola i nadzor rješavanja viškova SALW-a u posjedu OS BiH

Aktivnosti	Realizacija u 2018.godini	Napomena
Provedba kontrolno-tehničkog pregleda, oglašavanje streljiva i MES-a za uništavanje	Pregledano: 685 tona Oglašeno za uništavanje: cca.715 tona	Dio SiMES-a oglašenog za uništavanje je predložen iz perioda 2017.godine
Nadzor nad procesom uništavanja i verifikacija	Vrši se kontinuirano	
Prijevoz streljiva iz neperspektivnih u perspektivna skladišta streljiva i minsko-eksplozivnih sredstava	225 tona	Ukupno preveženo cca 3.100 tona sukladno planu operacija sa SiMES radi poboljšanja uvjeta u skladištima i uništavanja

Skladištenje streljiva u perspektivnim lokacijama sukladno međunarodnim standardima	7.576 toma	Na perspektivnim skladištima
Praćenje poštivanja propisa i standard prilikom uništavanja SALW-a	Radi se sukladno propisanim procedurama MO BiH	
Izrada redovitih i izvanrednih Izvješća o uništenim količinama SALW-a	Radi se sukladno propisanim procedurama MO BiH	
Kontrola i nadzor procesa rješavanja viškova SALW-a u posjedu Oružanih snaga Bosne i Hercegovine	Nije bilo u 2018. godini	Proces rješavanja viškova SALW-a se radi sukladno Odlukama Predsjedništva BiH

Programski cilj 3.3. Unapređenje kapaciteta za skladištenje i čuvanje SALW-a u posjedu OS BiH

Aktivnosti	Realizacija u 2018. godini	Napomena
Nabava i instalacija opreme uskladištima naoružanja i streljiva u BiH	Laboratorija za ispitivanje kemijske stabilnosti goriva	Nabavka uz pomoć međunarodnih organizacija
Infrastrukturni radovi na skladišnim objektima Oružanih snaga Bosne i Hercegovine	- Na LSS "Krupa" 6 objekata - Na LSS "Krupa" 7 objekata - Na lokaciji "3. maj" Dobož	

Aktivnosti	Realizacija u 2018. godini	Napomena
Nabava i instalacija opreme za unapređenje uvjeta skladištenja	Laboratorija za ispitivanje kemijske stabilnosti goriva	Nabavka uz pomoć međunarodnih organizacija
Obuka osoblja o upravljanju streljivom i minsko-eksplozivnim sredstvima	225 pripadnika OS BiH	Identična aktivnost, Tečajevi u organizaciji OS BiH, EUFOR-a, NATO i međunarodnih organizacija
Obuka osoblja Ministarstva obrane i Oružanih snaga u području upravljanja zalihama SALW-a		
Unapređenje informacijskog sustava za kontrolu SALW-a u posjedu Oružanih snaga Bosne i Hercegovine	Nije bilo u 2018. godini	Planirano u 2019. godini kroz sustav obilježavanja SALW I kroz LOGIS za municiju

Programski cilj 3.4. Unapređenje informacionih sistema za kontrolu SALW-a u posjedu OS BiH

Ministarstvo odbrane BiH posjeduje informacioni sistem DARE Version 4.0 koji služi za kontrolu kvantitativnog stanja naoružanja, municije i MES-a. Ažuriranje evidencije po istom se vrši svakodnevno, odnosno prilikom svakog „pokretanja“ naoružanja, municije i MES-a.

Cilj 4. MEĐUNARODNA I REGIONALNA SARADNJA I SARADNJA SA NEVLADINIM ORGANIZACIJAMA

Programski cilj 4.1. Multilateralna i bilateralna suradnja na planu kontrole SALW-a

U okviru strateškog cilja 4. Međunarodna i regionalna saradnja, a u skladu sa svojim nadležnostima, Ministarstvo inostranih poslova BiH je u 2018. godini značajnu pažnju posvetilo slijedećim aktivnostima:

- poštivanje preuzetih međunarodnih obaveza u pogledu praćenja i ispunjavanja neophodnih standarda prilikom kontrole izvoza naoružanja i vojne opreme (UN, OEBS i EU)
- pravovremeno i adekvatno izvještavanje o izdatim i odbijenim dozvolama za izvoz naoružanja i vojne opreme
- unapređenje regionalne saradnje u oblasti kontrole SALW na planu razmjene iskustava, izgradnji kapaciteta i sposobnosti, te ostalih aktivnosti pod pokroviteljstvom SEESAC
- učeće na globalnim forumima i konferencijama posvećenim kontroli oružja (1. Komitet UN, Godišnja konferencija ATT itd).

Takođe, u skladu sa strateškim opredjeljenjem za članstvo u EU, odnosno sticanjem kandidatskog statusa, Ministarstvo vanjskih poslova je u potpunosti podržavalo proces usvajanja Mape puta i odgovarajućeg Akcionog plana, posebno u dijelu koji se odnosi na unapređenje kapaciteta za kontrolu izvoza naoružanja uključujući procjenu rizika, izdavanje dozvola, dostavu i potvrdu o dostavi.

U okviru aktivnosti vezanih za učeće na regionalnim i međunarodnim konferencijama, seminarima i drugim vidovima obuka napominjemo da predstavnik MUPRS u radu Koordinacionog odbora za kontrolu SALW u BiH redovno učestvuje na regionalnim sastancima SALW komisija u organizaciji Centra za kontrolu malokalibarskog i lakog naoružanja u Jugoistočnoj Evropi (SEESAC). Takođe, predstavnik MUPRS učestvovao je na obuci održanoj na Međunarodnoj policijskoj akademiji u Budimpešti.

U saradnji sa EXBS programom Vlade SAD-a konstantno je vršeno osposobljavanje osoblja carine i državnih službenika uključenih u proces licenciranja, odnosno kontrole izvoza oružja i proizvoda dvojne namjene.

Takoder su pripadnici Granične policije učestvovali na obuci u organizaciji Ambasade SAD i Biroa za međunarodnu sigurnost i sprečavanje širenja naoružanja (EXBS), na temu

"Identifikacija, detekcija i prevencija nelegalnog tranzita eksploziva i eksplozivnih naprava", Ketryen, Poljska, u vremenskom periodu od 02.02.-11.02.2018. godine.

Centar za kontrolu malog i lakog oružja u jugoistočnoj Evropi (SEESAC) je organizirao kurs "Napredni obavještajno balistički kurs i upravljanje i kontrola vatrenim oružjem", Tirana, Albanija, u vremenskom periodu od 23.04.-27.04.2018. godine, na kome je prisustvovali predstavnici SIPA-e, GP BiH, DKPT BiH i MUP RS –a, zatim kurs "Training to the Firearms Focal Point (FFP) on Core Intelligence Analysis", Sarajevo, u vremenskom periodu od 04.06.-08.06.2018. godine i obuku "Training to the Firearms Focal Point (FFP) on Core Intelligence Analysis", Podgorica, Crna Gora, u periodu od 16.07.-20.07.2018. godine, kojem su prisustvovali predstavnici SIPA-e, GP BiH, DKPT BiH i MUP RS –a.

Dva policijska službenika Granične policije BiH su učestvovali na međunarodnom seminaru "Krijumčarenje oružja i eksploziva", Budimpešta (ILEA), u periodu od 12. do 16.11.2018. godine u organizaciji Ambasade SAD-a.

U maju i novembru 2018 godine, predstavnici KO SALW učestvovali su na dva regionalna sastanka o malom i lakom oružju, na kojim su se razmatrala pitanja vezana za kontrolu malog i lakog oružja u regionu.

U okviru projekta „SIRAS“, 25-26. april 2018. godine održana je radionica u Tirani, Albanija uz učešće predstavnika MUP RS i FMUP-a, na temu spriječavanje ilegalne trgovine oružjem.

U Podgorici, Crna Gora, članovi KO SALW su prisustvovali OSCE konferenciji na temu „Deaktivacija oružja“ i tu im je prezentovan i uručen Priručnik OSCE naboljih praksi za lako i malokalibarsko oružje. Ovaj Priručnik je 21 februara, 2018. godine usvojio Forum za bezbjednosnu saradnju OSCE. Nacrt ovog Priručnika su uradile vlade Francuske i Njemačke.

U periodu od 13. i 14. novembra službenici Ministarstva sigurnosti BiH su u okviru projekta „SIRAS“ organizirali Konferenciju na temu „Kontrola i deaktivacija oružja“, na kojoj su učestvovali predstavnici SIPA-e i MUP RS kao i predstavnici SELEC-a, policije Rumunije, Italije, Velike Britanije.

Predstavnici KO SALW redovno učestvuju na regionalnim SALW konferencijama i ostalim skupovima bitnim za problematiku SALW.

NAJZNAČAJNIJE AKTIVNOSTI PROVEDENE U IZVJEŠTAJNOM PERIODU:

U izvještajnom periodu, posebna pažnja je bila usredotočena na nastavak usklađivanja zakonodavstva s međunarodnim standardima, daljnjem unapređenju kontrole unutarnjeg i vanjsko-trgovinskog prometa oružja, smanjenju incidenata počinjenih oružjem i broja nelegalnog oružja u posjedu građana, unapređenju građanskog povjerenja u institucije u Bosni i Hercegovini na svim razinama vlasti, kao i smanjenju viškova malog oružja i lakog naoružanja u posjedu Ministarstva obrane Bosne i Hercegovine.

Usvojeni su podzakonskih propisi vezano za obilježavanje malog i lakog oružja, čime su propisane procedure u toj oblasti pa će se ubuduće moći pratiti tok kretanja oružja.

Uništeno je dodatnih 2.500 komada malog i lakog oružja što je značajna količina uništenog oružja te je uništavanje redovan proces u koji se sada uključuju i policijske agencije i sudovi širom Bosne i Hercegovine.

Prikupljeni su statistički podaci o legalnom oružju u posjedu građana u BiH, te se sada mogu pratiti trendovi za svaku godinu. Također su prikupljeni podaci o ukupnim količinama oduzetog SALW-a u nelegalnom posjedu građana.

Završene su aktivnosti na rekonstrukciji skladišta u policijskim agencijama u kojima se čuva malo i lako oružje, te će 5 policijskih organa imati bolje uslove za čuvanje takvog oružja.

Tokom izvještajnog perioda provedene su operativne policijske akcije u kojima je prikupljena značajna količina nelegalnog malog i lakog oružja.

Sačinjen je nacrt Akcionog plana za provedbu Mape puta za održivo rješenje za suzbijanje nedozvoljenog posjedovanja, zloupotrebe i trgovine malim i lakim oružjem i pripadajućom municijom u BiH (2019-2020).

Nastavljene su aktivnosti na uništavanju viškova naoružanja u posjedu Oružanih snaga Bosne i Hercegovine.

V. PRIJEDLOG ZAKLJUČAKA

Polazeći od naprijed navedenog, predlaže se Vijeću ministara Bosne i Hercegovine, da nakon razmatranja „Izvještaja o radu Koordinacionog odbora za kontrolu malog i lakog naoružanja u Bosni i Hercegovini za 2018. godinu“, donese sljedeće:

ZAKLJUČKE

1. Usvaja se "Izvještaj o radu Koordinacionog odbora za kontrolu malog oružja i lakog naoružanja za 2018. godinu";
2. Preporučuje se nadležnim entitetskim, kantonalnim i tijelima Brčko Distrikta Bosne i Hercegovine, da nastave sa usklađivanjem zakonodavstva o oružju u skladu sa najnovijim izmjenama Direktive o nadzoru nabavke i posjedovanja oružja Vijeća i Parlamenta EU broj 2017/853;
3. Zadužuje se Državni koordinator za kontrolu malog oružja i lakog naoružanja da Izvještaj dostavi i Zajedničkoj komisiji za odbranu i sigurnost Bosne i Hercegovine, Parlamentarne skupštine Bosne i Hercegovine, u vidu informacije radi primanja k znanju.